

DEO OPTIMO MAXIMO VNI ET TRINO, VIRGIN IDEIPARÆ,
ET SANCTO LVCÆ ORTHODOXORVM MEDICORVM PATRONO.

QVÆSTIO MEDICA.
CARDINALITIIS DISPUTATIONIBVS MANE DISCVTIENDA

IN SCHOLIS MEDICORVM, DIE IOVIS X. MARTII,
M. HELIA BEDA DES FOVGERAIS Doctore Medico Præside.

Estne Nutricis menstrua patientis lac deterius?

99⁶

HOMINI recens genito, necdum solidioribus cibis pari, vnus est in alimentum à Natura concessus sanguis, quem sincerum in vtero, postquam lucem aspexit, lactis specie dealbatum fugit è mammis; vt sic quem aliàs quifque cruorem refugeret, noui coloris saporisque accessione, nemo non bibat auidè & iucundius quouis nectare & ambrosiâ: odor enim in hoc liquore non tam desideratur vllus, quàm vt quiuis peregrinus ab sit, expetitur. Licet porro lac vniufmodi appareat; triplici tamen constat substantiâ, rerumque omnium quæ in vsus humanos veniunt, vires in se complectitur; vt non solum cibi potusque, sed etiam medicamenti rationem obtineat: imò velut antidotus præsentissima multis obstitit venenis: cum tamen is vnde fit sanguis, haustus, instat veneni suffocando statim perniciem creet. Eo autem succo tantò æquius fuit vitæ nostræ primitias consecrari, quantò minore apparatu, & temporis spatio conficitur è quibusuis edulis, præstò vt semper sit voraci infanti, & mamma quoties libet hauri. Nec verò tantum ad corpus citò & bellè alendum valet: sed & suo calore moderato, conuenientique singulis partibus suauissimâ humiditate, miras habet opportunitates ad incrementi, vitæque terminos quàm longissimè proferendos.

LAC generare nec mas vllus valet, nec vlla fœmina, nisi quæ viro matura ac prostruta, virginitalis florem cum spirante fructu coniugij commutat. Quidquid secus compereris, id habeto tamquam vanum opus Naturæ sine consilio exeuntis extra illa quæ sibi præfixit, & intra quæ consistere semper cupit spatia: neque id Lac putato quod ferofum à maris, vel puellæ papillâ stillauit aliquando. Vna in hominum genere enixa mulier potis est ab vtròque vberè genuinum hoc pusioni nutrimentum velut à gemino fonte inexhausto depromere purum atque laudabile. Propterea sanguis cuius in grauida nihil effluit, cum postremis redundat mensibus, refluit, dirigiturque in mammas, lactei humoris officinam: ac tum, quæ tot annos otiosæ fuerant Glandulæ suo sensim officio atque operi affluunt, expediuntque tandem parienti succum, quo vagitus famemque comprimat prodeuntis in hanc mundi scenam infantiuli. In hoc tamen præcellenti alimento, si aliarum à mammis partium operam non agnoscis, toto erras celo: sic enim pro ingenta vi, huic incumbunt negotio: vt sit irritus earum labor, si vel Iecoris desideretur robur atque integritas, vel cæterorum viscerum, præsertimque Pulmonis & Cordis, cui vicinæ adstant: non tam ad tutelam, aut ad venustatem, amorisque incentiuum, quàm vt naturâ suâ exanguis & frigida, blandis illius ignibus recalescant. Ex eo proinde liquet, quanto saltem studio prudentem Medicum consulere debeant Nutriculam delecturâ illâ puerperæ, quæ Naturæ iniuriam facere, & fixas sui cuique partus alendi leges, etiam sine causâ fontica violare non verentur.

SED nequa Nutricis vitia ebibat cereus ad omnem ægritudinem infans: non satis est lactis dotes ex colore, sapore, & consistentiâ æstimare: mammarum moles & tumor, à lactis fine, an ab adipis aut carniump copiâ pendeat, expendere: ad mores, ætatem, vultum, oculos, capillitium, corporis proceritatem, laterum firmitatem, omnium denique partium Principum vigorem respicere: sed &, quam pudor vetat oculis, hanc animo tacitè lustrare decet partem, quæ cum mammis singulariter coniungitur. Scilicet tanta vtero cum ijs intercedit societas atque cognatio: vt in bonis perinde ac malis mulierum rebus, sese efficiant mutuò: sic attritis quomodolibet mammis, statim sopitus genitalium ignis accenditur: & his pubertatis tempore in venerem prurientibus, illæ attolluntur, præbentque splendida integritatis, vel delibatæ virginitalis argumenta: sic abortum prænunciant extenuatæ mammar, Lactis verò si quando turgeant, eo & Vterum manare plerumque videas, atque hic vicissim nimiam sanguinis copiâ oneratus, partem illico refundit in mammas, vnde Lac, phlegmone, furor.

VALERE vt omnino necesse est singulas, aut saltem præcipuas corporis partes, quò ex illarum quidam superflua, sed purâ sanguinis portione, nouus succus ad noui hominis victum elaboretur: ita de Lactis bonitate multum decedat oportet, quoties præter spem interuenit aliquid, quod vel sanguinem minuit, vel quandam ipsi seu impuritatis, seu putredinis labem aspergit. Multòque magis cum hæc humorum vitia fouet partis alicuius eximie imbecillitas vel *υποτροφία*. Idcirco Nutricis munere abdicare se debent, quibuscunque intemperies languorque visceris alicuius, aduersam vel certè dubiam efficit valetudinem: nec melius istas obire partes possunt, quæ tum prauorum, tum maxime laudabilium humorum, imprimisque sanguinis intempestiua atque immoderatâ vacuatione resolutæ iacent sine viribus: hinc namque plurimæ paucum & alienum Lac reponendo, vna cum suis aluminis, præuiâ macie, mortem incurrere præproperam.

FIRMÆ itaque valetudinis mulier, cum à partu, sanguinis toto gestationis tempore ad vterum congesti, sordes abiecit: si Nutricis fungatur officio, ob signatis quasi venis, eius deinceps nili deperdit amplius, quòd qui in dies purus probusque excluditur, totus alentis & alti nutritioni impendatur. Certè breui ad inopiam vtrumque redigi videas, nisi suum hunc Natura thesaurum studiosè serauerit. Imò ne totus quidem interdum satis est adolefcenti propterea quæ edaciori puero. Quare vt arbores negant vel casuris folijs commeatum, quò vberior suppetat inclinanti ad maturitatem fructui: hic verò extrahescit & cadit, si succum quo alitur secò trunci libro deduxeris: sic vbi qui totus in Nutricum mammas concedere debet sanguis, ad Vterum diuertit erupturus foras: vel suâ sibi acrimoniâ & putredine viam parat; vel Iecori quacunque ex causâ debilitato consentiens Vterus segnem se præstat in retinendo, vt distractis dissipatisque eâ excretionis spiritibus, deterius agatur cum infante impurum, putre, crudumue Lac exegente. Ab ijs causis nisi stimulata vrgeretur Natura, suis ipsa pareret legibus, neque vnquam quem habet in delicijs humorem profunderet, cum omnis vitij expertus, nec grauis nec copiosior esse possit, vbi & plurimus desideratur & optimus.

Ergo Nutricis menstrua patientis lac deterius.

Proponebat Lutetiæ MICHAEL LANGLOIS, Parisinus. A. R. S. H. M. DC. L.